

## **Kerkblad, inligting, afkondigings en vele meer met ‘n nuwe baadjie!**

Om die proeflopias van die afgelope weke af te sluit, sit u nou met ‘n gans nuwe samestelling van ons inligtingsblad - ons het mos nie verniet ‘n nuwe, vars seisoen betree nie!

‘n Paar maande gelede het *ds. Nico Sennett* by die media- en reklamebediening aangesluit; daarom het ons vir nuus uit die pastorieë, eerste by die Sennetts gaan inloer. Met ses honde, drie kinders en bedrywige ouers gaan dit hier werklik op ‘n drafstap.

Praat van kinders wat letterlik onder jou uit groei, dan is dit hierdie drie! *Kristie* is die jongste en die stilste. Sy is tans in Gr. ii en kan haar ure om speel met haar poppe, andersins as kantoorjuffer of verpleegster. *Rousseau* is net nege maande ouer as Kristie, tans in Gr.iii en hou daarvan om skeppend te werk; met veral hout, maar ook papier, lappe en karton. Hy doen graag eksperimente en speel tennis. Moeder Sennett sê *Rousseau* praat die meeste van al die gesinslede - maar g’n wonder nie, hy het sekerlik baie om te vertel!

*Lilanie* is 17 maande ouer as Rousseau, in Gr.iv en met baie dank aan die Here en almal se gebede, is haar gesondheid tans goed. Sy neem musiek, is hardwerkend wat haar skoolwerk aanbetref, maar in die afknyptydjies geniet sy haar TV-programme.

*Esther* het haar weer in die onderwys begeef met Afrikaans Eerste Taal aan Gr.ix - Gr.xii by die Hospitaalskool. Die skoolhou en voorbereiding vir die kinderkerk hou haar voltyds besig - dit is nou uitgesonder die tye wanneer sy “Taxi-ma” vir die kinders moet speel en die huishouding moet laat vlot. Esther is baie dankbaar vir die helpers met die kinder- en kleuterkerk, naamlik Elmarie Wiehahn, Hannelie Janse van Vuuren en Anita Spies. Die kleingoed is veral gek na die die vertellings en grappe van die poppe (Rikurt en Michelle) want nou word die evangelie op ‘n vlak waarby hulle kan aansluiting vind, vir hulle aangebied. Alle kinders, selfs die kinders uit buurgemeentes is baie welkom by hierdie weeklikse samekoms. Die kinderkerk het steeds ‘n tekort aan klein bankies en stoeltjies wat in die katekombe gepak kan word. Indien enige gemeentelid kan help, sal dit werklik waardeer word.

Nou wat sê ‘n mens nou van *ds Nico*? Volgens sy gesin is hy nie ‘n sportman nie, kyk hy nie TV nie en is die gemeente sy werk en sy enigste stokperdjie. Dankie vir die harde werk, die humor en die wete dat ons daarop kan staat maak dat u beskikbaar is - en ja, gelukkig het die man ‘n goeie kennis van die woord, dat ons nie sulke preke soos hierdie aanhoor nie:

Die verhaal van Moses

*MOSES bly in die paluis. Hy eet elke dag lekers en fluis. Hy ry rond in die farro se pere en poets. Moses wil nie sam die anerse speel nie, want by is 'n prinses. In die dag bet Moses moord gepleeg en in die nag brand by hyse af Moses loop in Betluhem rond en hy sien 'n aagupteman slaan 'n asraliet. Hulle gooi klip. Toe sê die een vir Moses: meen jy ek is daai dusiepel wat jy in die sand gegrawe bet. Ek is nie daai koning nie. Toe skruk Moses en by flig na Jeroetsalem. Hy rol rof want die farro blo hom.*

*En verder....*

*"Die volk het om 'n arend (Aâron) gaan staan en gesê: Dit smaak my Moses kom nie trig nie. Hy't fevergeert van ons. Toe sê 'n arend: rik alle eeriengs en oorkrawels van jele vrouens af. Hy mak 'n goue kalf van silwer. Die volk sê: ons moet in sonde faal toe faal hulle in sonde. Hulle het vlys gebraai en gemors. Toe Moses van die berg af kom, word by so kwat laat by die klip taaiwil breek en skop met die tien desiepels daarop. Hy vat daai kalf en by het hom geversyp en afgeslaag. Toe frumel Moses die kalf. Moses het die goue gemaalde kalf in die water kom gegooi en hulle het veerig dae en veerig nagte daarvan gedrink.*

(Ag toemaar ds. dis net 'n verbeeldingryke weergawe van 'n plattelandse skoolkind soos verskyn in Kerkbode! Red. )

## **DIE VAN HEERDENS VAN DIE 20STE LAAN PASTORIE**

Pa en Ma Van Heerden is werklik trots op die twee knape wat kop en skouers bo hulle begin uittoon. **Waldo** is vanjaar 'n LO-student in sy tweede jaar en beoog om hom later as sportsielkundige of biokinetikus te bekwaam. Gedagtig aan die professionele sy van sport wat deesdae so wye aandag geniet, kan die finanskomitee nou al begin bereken by wie die lenings in die toekoms gemaak kan word - of hoe Waldo? Van skooltyd af was Waldo die sosiale bedrywige... Die jeug op die afgelope jeugkamp kan getuig dat hy gedrewe is in enige denkbare sport, 'n mens bitter vinnig daarby kan betrek en genot uit die samesyn put. Saans werk hy vir die ondervinding en 'n ekstrasjette by die Interfit Gimnasium - dit is moontlik hoekom die vroulike ledetal 0/21 so drasties gestyg het!

**Lourens** is tans in Gr.10 en is by uitstek voorbeeld van enige onderwyser se droom- die ideale akademikus. As hy kan lees is hy gelukkig, maar dan verkies hy dokumentêre stukke of die van wetenskaplike aard. Om hierdie rede sal hy dus in staat wees om vir lank oor velerlei onderwerpe te kan gesels. Sy slag met diere blyk duidelik uit die toegeneentheid wat diere teenoor hom openbaar. Selfs die kokketiel verkies hierdie intelligente geselskap bo die van enige ander lid van die gesin. Lourens se voorkeur sport is langafstande en hy wil graag nog eendag die Comrades aandurf. ( Hy moes moeder Van Heerden seker maar kleintyd op haar draftogte vergesel en toe maar besluit het, " if you can't beat her, join her then.)

**Chrissie** is vir die afgelope 12 jaar al by die CMR betrokke. Haar pligte sluit vele take in waaronder sekretariële werk, boekhouding en kontrakwerk vir hoofkantoor. As sy haarself moet beskryf is dit die van werkende vrou, huisvrou (of die mooi woord tuisteskepper), tuinier, verwer en ons voeg daarby nog ma, eggenoot en predikantsvrou - 'n hele mond vol. Volgens ds. Leon het Chrissie die gawe gekry om 110 dinge gelyk te doen en dit dan nog vinnig en vlot af te handel. Alhoewel daar maar min tyd vir oefening is, bly sy lief vir draf; ja en tuinmaak ook en wanneer sy 'n leestydjie kry, verkies sy feëverhale. Chrissie geniet die informele dramaklasse wat sy natuurlik ook al tot groot voordeel van die gemeente aangewend het. Daar is baie dinge waarvoor sy dankbaar is, maar veral omdat sy geseënd is met goeie gesondheid.

**Ds. Leon** kan hom ure lank verdiep in teologiese onderwerpe soos lewenskrisisse, verhoudingsprobleme en gesinsterapie en gelukkig deel hy

hierdie belesenheid met die gemeente. Sy magisterstudie in familiepastoraat aan Unisa neem tans baie tyd in beslag, maar gelukkig is die einde teen November nou in sig! Musiek, veral panfluitmusiek of as tweede keuse ligte klassieke musiek is strelend vir die gemoed - vir die liggaam sal ds. Leon hardloopskoene of fietsrydrag aantrek en die lang pad aandurf. Ds. vind die gebedsgroep bestaande uit ouers van tieners wat weekliks probeer bymekaar kom, tot groot seën.

Ds. Leon tree ook as geestelike vader vir Aksie Plus op. Daar is al berig dat die kamp te Emmerentia Geldenhuys tussen Warmbad en Nylstroom besonder geniet is. As 'n mens na die fyner besonderhede gaan kyk kan jy verstaan waarom: daar is ken-mekaar-aand gehou, 'n kampvuurkonsert, gespreksgeleenthede, gesamentlike spyseniering en 'n wonderlike gees is geskep. Tydens die kampvuurkonsert is verborge talent ontdek - soos die talent beliggaam in Santjie du Plooy, selfs dat 'n ene "mnr. Poggenpoel van die SAUK" haar geskakel het om haar geluk te wens met die prag vertoning (ek wonder net so in die stilligheid waar die man so vinnig haar selfoonnommer in die hande gekry het?) Vir ontspanning is selfs "giffie" gespeel. Die gemeentede wat nie meer al die detail van hierdie tradisionele spel kan onthou nie, moet maar die fundi's in Aksie Plus vra. Vir al die pitkosgeleenthede is verskillende aspekte van die liefde behandel. Die Bybelstudie en gespreksgeleenthede het veral oor boustene vir ons verhoudinge gehandel. Vir almal was dit werklik 'n heerlike, sielsvoedende naweek!

Die hele Van Heerdengesin is natuurmense en geniet dus hulle staproetes. Die staproete so 40 km van Thabazimbi af het almal baie geniet. Dit was juis op hierdie staptog dat ds. Leon hom bewys het as 'n paalspringer van faam en rekordhouer van naam, toe 'n slang ( moontlik 'n groot gele..) skielik direk langs sy wandelstok opgedoem het. Die res van die geselskap het slegs een woord hoor eggo - gelukkig was dit ssslllaanngg!!

## ***DIE TAIT'S STAP AL VIER JAAR SAAM***

### ***Ons eie "musiekfabriek"***

Die sangbediening doen al vir meer as twee jaar woordbediening deur sang en musiek - dis mense met talente ; 'n eie musiekfabriek, of soos sommige spottenderwys na hul verwys as die "maak-my-siekfabriek"!

Die doel van die groep is hoofsaaklik om die lofprysing voor die aanddienste te lei en die gemeente aan meer liedere uit die Jeugsangbundel en Sing onder Mekaar bekend te stel. Met die samestelling van die voorsangprogram, probeer hulle werklik om oud en jonk te akkommodeer. Aangesien die jongmense 'n groot deel vorm van persone wat die aanddienste bywoon, is die program uiteraard baie op die jeug gerig - die wat jonk van hart en gees is, vind natuurlik net soveel byval daarby.

Op hierdie stadium word veral van klavier- en kitaarbegeleiding gebruik gemaak. Die groep is egter nog op soek na persone wat die dwarsfluit, blokfluit of viool kan bespeel om sodoende gevarieerde klank te bewerkstelling. Belangstellendes kan Marlene van Schalkwyk by tel. 330 0943 in hierdie verband skakel.

Niks kom sonder harde werk en opoffering nie! Die groep oefen dus elke Sondagmiddag vanaf 16:30 in die kerk en doen 'n gebed saam voordat die voorsang om 18:20 begin. Die lang tye wat hulle al in mekaar se geselskap deurgebring het, het natuurlik daartoe gelei dat die lede baie geheg geraak het aan mekaar (sal ons nou maar praat van 'n musiekfamilie?). Verskeie mense het hul as staatmakers uitgewys om alles te laat vlot, waaronder die volgende spesiale vermelding verdien: Tina Braak verwerk die liedere op die rekenaar, berei die sanglêers voor en brand die transpirante in; Henri Braak en sy helper Flip Gibson sorg dat die klankstelsel in werkende toestand bly en help met die opstel van die mikrofone en die instel van die klankbalans. Ander name wat al by verskeie kere in die verlede genoem is : Tinus Pelser en Dries Gibson vir die voorsangleiding (ons onthou ook vir Michelle van Sittert wat haar deel getrou gedoen het voor hulle vertrek Zimbabwe toe), Danie, Dawid, Ilse, Tanya vir die kitaarspel en seer vingers en die stemme van toe tot nou: Ureen, Tina, Naomi, Lita, Justine en Anilo; ons groot stem Dries en sy meelopers Chris, Danie en Eugene. Dankie vir julle werk, stemme en lofprysing - ons sing heerlik saam!

Gelukkig hoef die sangbediening nie verwerkings uit Rut en Jona te doen nie en veral nie as daar 'n variasie op die inhoud gedoen is soos die volgende nie: “

Rut

“As u my vertoef dan gaan ek hom vertoef. En as jy my versuim sal ek jou versuip. Waar u gaan sal ek tekere gaan. Toe sê die mense: Is dit Naa oomie toe sê sy : Moenie vir my oompie roep nie, want ek het sleg gebly”

Jona

“ Jona moet vir daai vullistuine gaan gepreek het want hulle was nie bietjie rof nie. Maar Jona het weggehol en 'n skip op die see gekry. 'n Winswerm het oor die see gevaar toe wil die skip nie suil nie. Die matrose gooi die daais. Toe sê Jona: ek is 'n fariseër, gooi my in die see. Jona trap op die baber se stert en die baber sluk vir Ninivee in. Jona blui driehonert dae en drie nagte in die fus se bek. Hy wort nie sleg in die fus se binneverwante nie. Die fus het toe vir Jona yt gespieg. Hy het hem van gielie (evangelie) af in Ninivee: Hy het hard gekrou: bakeer julle, die staat se verwoes is oor veertig jaar. Toe gaan sit die koning op die aas en sê nieman mag 'n diingetjie proe of lek nie. Hulle het vir hulle baaie gebukeer en hulle is gekom spar. Mar Jona wil hierdie mense doodgestraaf hê. Hy loop slaan vir hom 'n sinkie op vir skylte”

(Die geklank van die evangelie word deur woord en lied darem vir ons ,anders as die bogenoemde, suiwer en grammaties weergegee - dankie sangbediening. Red)

## ***Die vrouevolk sluit af met Kersgedagtes***

Op Maandag, 2 November het die Vrouediensaksie die jaar se verrigtinge afgesluit met wonderlike kombinasies: kerssang, nagereg, gemmermannetjies, vrugtekoek en tee en natuurlik gemmerbier - alles natuurlik gedagtig aan Kersfees 1998!

Ds. Jampie Nel van die Doornpoort-gemeente het met die vroue oor die simboliek van Kersfees kom praat. Die waarde van Kersfees moet by elke kind van kleinsaf inslag vind; sodat elkeen sal besef dat Kersfees nie kuiertyd is nie, maar 'n gesinsfees gefundeer op 'n Christusfees moet wees! Kersfees word al vir 'n geruime tyd gekommersialiseer om die sakke van die wêreld te pas - goud en silwer kyk en klink mos besonder mooi. Sy het veral die simboliek aan die drie kleure van Kersfees, naamlik wit, rooi en groen uitgewys:

- wit - Christus het gekom om ons vlekkeloos te laat
- rooi - die bloed van ons verlosser reinig ons van alle sonde
- groen- daar is lewe in Christus

Selfs die dek van die kerstafel behoort die gedagtes van 'n Christusfees te simboliseer. Ons is partymaal so bereid om te konformeer om die wêreld nie aanstoot te gee nie, dat dit hoog tyd is om aan die wêreld die beeld van Christus te weerspieël soos dit behoort te wees.

Die atmosfeer van kerse, vrouesang en vreugde het van die aand 'n reuse sukses gemaak, want elkeen het verseker met nog 'n bekende naam en adres van 'n nuwe vriendin in Christus huiswaarts gekeer.

\*\*\*\*\*  
\*\*\*\*\*

## **Matriekeksamen om die draai!**

Ook hierdie jaar het aangestap en vir die matrikulante is die einde van julle skoolloopbaan in sig. Vir alle ander eksamenskrywendes wat in die komende twee weke begin eksamen skryf, is dit 'n senutergende tyd met 'n soet-suur ervaring. Aan die een kant - die blydskap om klaar te maak, aan die ander kant - die senuwees en soms tranes wat mens opkeil. Eksamentyd word in Pretoria altyd met Jakarandatyd geassosieer; daarom dra ek soos verlede jaar graag die volgende gedig aan elkeen van julle in hierdie tyd op:

Dis Oktober, byna November  
Leipoldt besing dit as die  
mooiste, mooiste maand.....

Pers blertse smeer die bloeiseldrag van hierdie  
seisoen op die klam teepad af - tog  
bly die blotse skrilheid 'n vasvangpunt  
in hierdie kitsch tyd van meeloop en inwees.

Voorheen sou ek wegkyk van die persheid;  
eerder die groen wou raaksien en dit  
met albei hande wou vasvat .... Dit myne maak  
deur met wit en appelkoos te bespikkel ;  
totdat groter kwashale alles toegeverf het om dit skitterwit te laat triomfeer!

Maar nou, kyk ek met nuwe oë na die trompettemars in persgevormde tuitjies -  
en ek wil meedoen om hierdie seisoen luidkeels van minarette uit te basuin:  
"Dis Jakaranda- vreugdetyd in ons pers stad, Pretoria" (cb)

## Die Gemeente Rietfontein-Suid vir 45 jaar groeiend

***Met harte vol van dankbaarheid, kan ons saam met die psalmis uitroep:  
Prys die Here,...want sy liefde vir ons is sterk,  
aan die trou van die Here is daar geen einde nie!  
(Ps 117:1,2)***

Hierdie gedagtevers beskryf God se troue liefde en onderskraging oor die afgelope 45 jaar.

‘n Uittreksel uit ds. Leon van Heerden se voorwoord in die feesblad oor sy 15 jaar diens in die gemeente, lui soos volg:

“Om deel te wees van so ‘n wonderlike gemeente soos Rietfontein-Suid, is louter vreugde! Om deel te wees van God se plan vir hierdie gemeente en hierdie omgewing is ‘n onbeskryflike voorreg. Om soveel van u van nader te kon leer ken, het ons lewens verryk. Vir al die kosbare en geseende wedervaringe saam met u die afgelope 15 jaar, eer ons die Heer. Ons sien uit daarna om steeds saam met u die Heer te dien met blydschap en toewyding. Mag God ons saam gebruik om in hierdie gemeente en omgewing vir Hom ‘n verskil te maak! *Aan God al die eer!*”

Vir ds. Nico Sennett het die sy arbeid in die gemeente 10 jaar gelede op 11 Junie 1989 begin:

“Op Sondag, 11 Junie 1989, 10 jaar gelede, het ek my intreepreek in die gemeente gelewer. Ek kan die preekteks nog goed onthou - dit was Esegini 33 : 1-20. Die rede waarom ek die teks nooit in my lewe sal vergeet nie, is omdat dit my Godgegewe visie bevat wat die Here op daardie stadium van my bediening vir my gegee het. Ek het geglo dat die Here vir my, net soos Esegini, as *geestelike wagter* aangestel het om die verbondsvolk/kerk te waarsku dat sy nie op goeie werke moet vertrou om gered te word nie, maar dat sy haar moet bekeer van haar sonde en terugkeer na die Here toe! (Sien Skrifgedeelte).

Deur die genade van die Here en deur die krag van die Heilige Gees, was dit my voorreg om die afgelope 10 jaar die Evangelieboodskap van bekering en geloof in Jesus Christus te verkondig. Toe ek egter onlangs retrospeksie van my bediening gehou het, het ek tot die skokkende ontdekking gekom dat ek die term *geestelike wagter* nie heeltemal mooi verstaan het nie: Om ‘n geestelike wagter te wees beteken nie net om te waarsku en te vermaan en op te roep tot bekering en geloof in Jesus Christus nie, maar om ook te waak - om wakend te bid en biddend te waak! En in hierdie opsig het ek liederlik gefaal in my bediening. As ek dus die afgelope 10 jaar van my bediening kon oorkry, sou ek beslis ‘n hele klomp ander dinge gelos het en meer erns en tyd gemaak het vir gebed - om vir die gemeente/lidmate in te tree by die Here. Ek is die Here egter dankbaar dat Hy in die laaste tyd vir my die waarde en krag en vreugde van gebed begin leer het.

Dit is my gebed dat die Here vir Rietfontein-Suid ‘n waarlik biddende gemeente sal maak en dat elke lidmaat, te midde van die oorweldigende moeilike omstandighede waarin ons lewe, hul krag sal vind in die Here. Baie dankie vir al u liefde en gebede en ondersteuning in die afgelope 10 jaar. Ek en my gesin waardeur dit opreg!”

..... en vyf jaar gelede in November 1994, is die Tait-gesin (toe net twee) in die gemeente verwelkom. Vir die afgelope 5 jaar het ds. Tait as jeugprediker vreugde op geseende verkondiging van die woord by die katkisasie, jeugwerk en selgroep die harde werk alles die moeite werd gemaak. Die gemeente se gebede,

ondersteuning en liefde hierdie afgelope 5 jaar, het nie ongesiens verbygegaan nie.

Verskeie aksies en projekte het die afgelope 5 jaar van die gemeente se bestaan gekenmerk - met alle lof aan God!

#### 1994

- Die omheiningsprojek : Vir sekuriteitsdoeleindes is daar op die kerkraadsvergadering van 14 Februarie 1994 goedgekeur dat 'n heining rondom die kerkgronde aangebring word.

#### 1995

- Die muurbehangsel : Reeds op die Kerkraadsvergadering van 15 Februarie 1993 is die kerkraad ingelig dat die gemeente-embleem in die vorm van 'n muurbehangsel gaan wees, bestaande uit 16 blokke wat al die verskillende fasette van ons bedienings en aksies uitbeeld met ons embleem en leuse sentraal daarin. Vanaf 5 November kon hierdie pragstuk met trots vertoon word.
- *Verligte Boodskapbord*: Op 6 November 1995 is goedgekeur dat so 'n bord op die hoek van 16de laan en Ben Swartstraat voor die kerk aangebring kan word om op so 'n wyse die evangelie uit te dra. Kanselklede: Nuwe kanselklede is gemaak om spesiale tye in ons kerkjaar te gedenk - een vir Paasfees, een vir Pinkster, een vir gebruik in Adventstyd vanaf die jaarlikse Kerssangdiens tot Kersdag en een spesiaal vir Kersdag.

#### 1996

- Die verband op die Ekklesia woonstelle afgelos.
- Mev Maureen Barnard op 16 Oktober 1996 aangestel as skriba/tessourie.

#### 1997

- Gebedsaksies beleef 'n oplewing
- Deurnag-gebedsgeleentheid is gereNI, wat later met 'Aand van Gebed' geleentheid, vervang is.
- Tans word gebedsversoeke elke Sondag in die vorm van 'n Gebedsbuletin saam met die afkondigings uitgegee word.
- Selgroepe ontstaan en groei : Familiefeste word gehou
- Teologiese student Paul van Sittert, raak meer betrokke by die gemeente. Paul het op 21 September 1997 sy laaste preek gelewer, aangesien hy 'n beroep na Bulawayo aangeneem het.
- Op 30 April 1997 het Steven wat vir jare as tuinier by die kerk werksaam was, afgetree. Dit was met hartseer dat verneem is dat hy slegs 'n maand na sy aftrede aan TB oorlede is.
- Kinder- en Kleuterkerk. Reeds op 12 Augustus 1996 het Jeugbediening toestemming gevra om ondersoek in te stel na die moontlikheid van 'n Kleuter-/kinderkerk en vanaf 25 Mei 1997 word daar tydens die eerste oggenddiens toe 'n Kleuterkerk (3jr-gr 0) onder leiding van Malinda Rademeyer gehou, en 'n Kinderkerk (gr 1 - 4) onder leiding van Esther Sennett.
- Vanaf 7 September 1997 word daar op elke Nagmaalsondag 'n liefdesmaal om 12:00 gehou waar gemeentelede saam bring-en-braai en iets van die gemeenskap van gelowiges ook daar beleef.



## 1998

Vir geruime tyd het die aksies nie ☺n bussie gehad om te gebruik nie, aangesien ons ou bussie, die Aksie- Taksie, tydens die bywoning deur ons jeug van ☺n Jeugfees van Louis Britzz in Irene gesteel is. Op die

Kerkraadsvergadering van 1 Junie 1998 is goedkeuring gegee om ☺n nuwe bussie aan te koop - ☺n nuwe Volkswagen Mikrobus is toe aangekoop met behulp van ☺n testament\re bemaking van ongeveer R35 000 wat ons as gemeente in 1997 ontvang, hoofsaaklik vir gebruik deur die jeug en vir die vervoer van senior lidmate.

Fondsebediening - projekte in plaas van die basaar soos in die verlede, is verskeie fondsinsamelingspogings deurgaans deur die jaar gehou (Ontbyt-geleentheid, Nageregverkope, verskeie aandgeleentheid waar die gemeente lekker kon saamkuier: ☺n Macerena -aand, Pictionary-aand, Noot-vir-noot en natuurlik die gemeentekonsert waar al die plaaslike ʘkunstenaars hul talent kon wys). Daar is ook ☺n Lofoffernaweek gehou met ☺n Wilde Weste-aand, potjiekoskompetisie, Tolliedrop. Tydens die eredienste is ☺n Lofoffer opgeneem - die lidmate het die geld wat hulle by ☺n basaar sou spandeer het, in spesiale lofofferkoeverte geplaas.

Die hele jaar is die vordering m.b.v. ☺n barometer gemonitor en die doelwit van R50 000 is ver verbygesteek (in vergelyking met die R18 000 wat gewoonlik met ☺n basaar ingevorder word).

- Op 1 Junie 1998 het broer Jan Snyman a.g.v siekte as koster afgetree en is broer Kobus Fourie later as nuwe koster aangestel.
- Die verf en verfraaiing van al die kategeselokale. Nadat ☺n skenking ontvang is vir die verf van die kerkgebou, is die hele kerk- en saalkompleks uitgeverf. Die kombuis is ook uitgeverf en het nuwe teNIs gekry.
- Sending: Hernieude aandag is aan sending gegee onder leiding van ds Nico Sennett. Prop. Roche Brown wat ☺n hart vir die sending het en self al sendingwerk gedoen het, is gevra om om d.m.v die waarneem van preekbeurte ☺n sendingbewussyn by die lidmate te kweek.
- Kategoriale indeling volgens ouderdomsgroepe in die gemeente:
- Ds. Leon Tait - almal tot ouderdom 35; ds Leon van Heerden bedien almal in die ouderdomsgroep 36 tot 60 en ds. Nico Sennett almal 61 en ouer.
- Gesinsbediening word kom einde 1998 tot stand - wil aandag gee aan gesinne, enkellopendes, huwelike ens.

## 1999

- Vanaf 1 Mei is die pos van Skriba/kassier verdeel. Die vorige skriba/kassier, mev. Maureen Barnard, hanteer tans die pos van kassier, en mev. Johanna Koen dien tans as skriba.
- Geloofsbelofte-offer. Nadat die gemeente vanaf die einde van 1998 ingelig is oor wat ☺n geloofsbelofte-offer behels, is ☺n geloofsbelofte-offer opgeneem op Sondag 24 Januarie 1999 as afsluiting van ☺n geslaagde Sendingweek. Ten spyte daarvan dat die ☺n eerste vir ons gemeente was, het lidmate in totaal die astronomiese/ asemwowe bedrag van R193 000 belowe spesifiek vir sending.
- Ds. Leon van Heerden verwerf sy meestersgraad met lof - 'n besondere prestasie!

## **VOORUITSIGTE : DIE PAD VORENTOE**

- **Aan die gemeentefinansies word besondere aandag geskenk met die loodsing van projekte; veral van Projek Saamstaan**
- **Christelike skool: Die Queenswood Christian School betrek van die kerkgeboue; wat aan die gemeente 'n addisionele inkomste verseker**

**Tans bestaan daar verskeie aksies hopelik kan al die lede van Rietfontein-Suid iewers ☺n aksie vind waar hulle voluit kan inskakel.**

**Kommissie vir Diensverhoudinge is aangestel - voor einde van die jaar moet elke predikant, asook die ander werknemers van die gemeente ☺n werkskontrak hΛ.**

**Alle ander aksies en werksaamhede word soos die afgelope 45 jaar voor ons Hemelse Vader en Sy troon van genade gelê en vertrou dat ons oor 5 jaar weer kan getuig - Hy is groot, Hy is goed, want Hy is God!**

Die Sennets sê tot wedersiens

Op Sondag, 11 Junie 1989, 10 jaar gelede, het ds. Sennet sy intrepreek in die gemeente gelewer. Die preekteks kan hy nog goed onthou - dit was Esegini 33 : 1-20 want die teks het die Godgegewe visie bevat wat die Here hom op daardie stadium op die hart gedruk het.

Op 30 Mei 1999 sê die Sennets tot wedersiens met die oortuiging en visie dat God hulle op Delmas wil gebruik. Die afgelope tyd het ds. Sennet veral die waarde en vreugde van gebed opnuut leer ken - om *wakend te bid* en *biddend te waak* en so voor God in te tree oor die gemeente en vir die gemeente en elke gemeentelid. Ds. Sennet noem telkens in dankbaarheid dat die gemeente 'n groot bydrae tot sy vorming in die bediening gehad het, en gereed gemaak het om die Evangelieboodskap te gaan uitdra, waar God hom tans nodig het.

Die boodskap wat die Here op sy hart gedruk het, dra hy graag uit Lukas 17:7-10 oor: wees slawe vir God; staan in 'n spesiale diensverhouding tot God in absolute gehoorsaamheid en doen dit uit dankbaarheid sonder om vergoeding daarvoor te verwag. Hierdie opdrag word telkens in die nuwe testament herhaal en bevestig soos in Kolossense 3 : 23-24: "Wat julle ook al doen, doen dit van harte soos vir die Here en nie vir mense nie, omdat julle weet dat julle van die Here as beloning sal kry wat Hy belowe het. Christus is die Here in wie se diens julle staan!"

FOTO

Ds. Sennet:

" Dit is my gebed dat die Here vir Rietfontein-Suid ☺n waarlik biddende gemeente sal maak en dat elke lidmaat, te midde van die oorweldigende moeilike omstandighede waarin ons lewe, hul krag sal vind in die Here. Baie dankie vir al u liefde en gebede en ondersteuning in die afgelope 10 jaar. Ons is veral baie dankbaar vir die persone wat spesifiek vir my en my gesin ingetree het - ek en my gesin waardeur dit opreg!

Die gemeente bid julle alle seën en vreugde toe op die werk in Delmas en omgewing - mag die genade van God die Vader en die bloed van ons Here Jesus Christus elkeen van julle oordek; ds. Sennet, Esther, Lilanie, Rousseau en Kristi, tot ons weer ontmoet!